

cha assa' fanti, *maxime* de li spagnoli ussino di Verona. Il ponte farasse, perchè è zonto il provedador Vituri e il capitano de le barche, et voleno far butar un altro ponte per più comodità e passar nostri. Monsignor di Lutrech si tirerà a Santa Lucia per bombardar la terra. *Item*, il Governador, et cussi Lutrech, vol si toy 300 spagnoli sono zonti di qua di la Mirandola etc.

290 * Da poi disnar, fo Gran Consejo; fu il Principe.

Fu posto, per li Consieri, prima la parte di far Podestà e capitano a Treviso per scurtinio, qual fu presa in Pregadi a dì 18 di questo, *ut in ea*. Ave 744 di sì, 62 di no, 6 non sincere.

Fu posto, per li diti, la parte presa, *ut supra*, a dì 18, di far un altro Governador di l'intrade, qual entra *de præsenti*, et si fazi per scurtinio. Ave 750, 58, 3.

Fu posto, per li diti, la parte di poter meter di far salvoconduto a' forestieri, presa eri in Pregadi. Ave 401, 290, 21.

Fu leta la parte, presa in Pregadi a dì 18 di questo, zereha li rectori, non habino salario per il tempo non è stati in li rezimenti, *ut in ea*.

Poi fu posto, per li Consieri, atento sier Nicolò Bondimier qu. sier Zanoto, al tempo dil conflito dil campo fusse camerlengo a Bergamo, dove perse tutto il suo, e lui fato preson di francesi, *tamen* fuzite et scapoloe, però sia preso che 'l dito sier Nicolò possi tornar a compir la sua camerlengeria a Bergamo poi averà compido sier Nicolò Bon, è al presente camerlengo de li electo per questo Consejo, sicome ad altri in li zorni passati è stà comesso; et fu presa. Ave di sì 694, di no 107, non sincere 10; *tamen* è mala stampa et contra le leze.

Fu publicà questi zentilhomeni che l'ultimo Consejo andono zoso, esser cazudi a la leze privi di Gran Consejo per 4 mexi, pagino lire 200 per uno, avogaresche.

Sier Antonio Garzoni di sier Hironimo.

Sier Francesco Dolfin di sier Marco.

Sier Hironimo Dolfin di sier Marco.

Sier Francesco Michiel di sier Nicolò.

Sier Andrea Minio di sier Lorenzo.

Sier Sebastian Sagredo qu. sier Marin.

Sier Giacomo Venier di sier Zuane.

Sier Alvise Bembo di sier Vincenzo.

Fu posto, per li Consieri, la parte, far per scurtinio podestà e provedador a Crema con l'impresto, come a dì 18 fu preso in Pregadi. Ave 732 di sì, 161 di no, 14 non sincere.

Exemplum.

291

Copia di la letera dil Signor turcho scritta a la Signoria nostra, traduta di grecho in latin.

Sultam Selim Ssach *Dei gratia rex maximus et imperator utriusque continentis Asiæ atque Europæ etc., ad illustrissimum et maxime honorabilem Illustrissimi Venetiarum Domini ducem dominum Leonardum Lauredanum salutem dignam et convenientem salutationem cum convenienti affectu mittimus splendori suo.*

Sapiate al presente come quantunque per lo passato havessimo superato quel perfido figliolo di Erdebil, quale è fora d'ogni fede, et havessimo dominato el suo paese; in protectione et custodia dil qual loco havevimo lassato per beglerbeg el nostro schiavo Machmeet bech, *iterum* quello figliolo de Erdebil mandò el suo beglerbeg con i più strenui et valorosi signori che havesse in la sua corte, con uno exercito de 15 milia persone, tuti homeni electi, i qual se scontrono con el nostro schiavo sopraditto beglarbegi dil ditto locho, et feceno uno horendo fato d'arme. Et con lo ajuto de Dio i nostri hanno superato quelli et hanno tajato la testa dil capitano general suo, *nomine* Charachan, et di altri desdoto signori, et *similiter* tuto lo exercito spazono per fil di spada, che anima di loro non è scapulà. Per tanto, per esser fra la mia Maestà et vostra Illustrissima Signoria bona amicitia et pace, mandemo el presente nostro schiavo chiaus Mustaphà con la testa di uno primo signor de Bagdat, qual nomeva Gasbin, aziò vi alegriate di nostri strenui fatti et bona fortuna, però che la Maestà nostra è certa ne amate con cor sincero e seti amici cordial et fidi verso de nui.

Scripta in nostra regali curia, in Conia civitate Caramanie, 2 Julii.

A di 24 Agosto.

292

Podestà et capitano a Treviso, per scurtinio.

Sier Andrea Loredan qu. sier Bernardin, che mandò homeni 40 a la custodia di Padoa, el qual mandò a oferir ducati 1500 et dona il don. 46.115

† Sier Polo Nani, è di Pregadi. qu. sier Zorzi, oferse ducati 2000, di qual